

1030
V O E V X
PRESENTEZ
A NOSSEIGNEURS
DE PARLEMENT,
ET A MONSEIGNEUR
LE DVC
DE BEAUFORT

PAR
LES BOVRGEOIS DE LA V
DE PARIS,


Pour le retour du RC.



M. DC. XI


Vet. Fr. IB. 221(39)

M 4050



ODE.


SENAT la lumiere du monde,
 Grand Conclau des Demidieux,
 Anges qui vivez sous les Cieux,
 Seuls en qui nostre espoir se fonde;
 Prestez l'oreille aux iustes Vœux,
 Que nos cœurs d'ennuy langoureux,
 Du debris de nostre Prouince,
 Portent iusques au Firmament,
 Priuez de tout contentement,
 Tant que nous reuoyons les yeux de nostre Prince.



L'impatience nous emporte
 De rendre hommage à nostre Roy,
 Bien loin de violer la Foy
 Où nostre sujettion nous porte;
 Quoy que les faux Mazarinis,
 Nos implacables Ennemis,
 Disent nostre Ville rebelle;
 Nous ferons voir à tous momens,
 Qu'aucuns de nos deportemens
 N'acquerront iamais cette tache mortelle.




Par le malheureux artifice
 De ce perfide Mazarin,
 Ce diabolique Lutin,
 Par son infernale malice
 Nous l'a méchamment enléué;
 Mais nostre Peuple soulevé
 Fera paroistre sa constance,
 Punissant la temerité
 De ce Cardinal effronté,
 Qui nous a dérobé sa Royale presence.




Si l'on oyt retentir nos armes,
 C'est pour son seul recouvrement;
 Car quel autre contentement
 Trouverions-nous dans les alarmes:
 Ce n'est pas nostre intention
 De nourrir la sedition,
 Mais bien de punir l'insolence
 De ce perfide Ravisseur,
 De ce detestable Voleur,
 Qui nous le ravissant a causé son absence.


Nostré



Nostre Ville toute esplorée,
 N'a plus que des pleurs & des cris,
 Elle se perd dans les ennuis,
 Comme une mere desolée
 Qui voit son fils dans le Cercueil:
 Toutefois ce funeste dueil
 Ne luy fait point perdre l'enuie
 De recouurer ce cher Dépost,
 Qui la maintenoit en repos,
 Ou d'espancher fidele & son sang & sa vie.



Quel ennuy plus insupportable
 Peut toucher nostre sentiment,
 Que ce funeste enleuement
 De nostre Prince desirable:
 Nostre Soleil est éclipsé,
 Nostre Climat est delaisé
 De sa fauorable influence;
 Mais allons le reconquerir,
 Le recouurer ou bien mourir,
 Nous soumettans fidels à son obeïssance.




La grandeur de nostre Courage
 N'apprehende point les dangers,
 Des Allemans & Estrangers
 Faut faire un horrible carnage;
 A l'aspect de nos Bataillons,
 De nos valeureux Champions,
 On verra dissiper l'orage
 Qui nous menace de la mort,
 Et en repoussant leur effort
 Ils gagneront du champ l'honneur & l'avantage.




BEAUFORT, le renom & l'estime
 Que nous faisons de tes haut faits,
 Ce sont les fleches & les traits
 Où nostre courage s'anime;
 Nous reconnoissons la vertu
 Dont Nature i'a reuestu,
 Partant venge nous de l'outrage
 Que nous a fait ce Cardinal,
 Faisant eclipser le Phanal
 Qui eclairoit nos iours & chassoit les nuages.

2030
210



Ce perfide poussé d'enuie
T'a fait passer pour assassin,
Et d'un iniurieux dessein
Pretendoit de t'oster la vie;
Mais nostre Auguste Parlement,
Du monde l'unique ornement,
En detestant son artifice,
Et blasmant son impieté,
A reconnu ton equité,
Et prononcé l'Arrest contre son iniustice.



Fais donc paroistre ta vaillance,
Poursuiuant ce Tygre inhumain,
Fais luy ressentir de ta main
La punition & la vengeance;
Si iamais par tes faits guerriers
Nous sommes quittes des dangers,
Es qu'il vienne en nostre puissance,
Nous luy preparons des Tombeaux,
Dedans le ventre des Corbeaux,
Sepulchre glorieux pour vns telle engeance.

1037

✿

Seigneurs n'espargnez point la vie,
Les richesses, ny les moyens
De vos genereux Citoyens,
Tous portez d'une mesme envie
De combattre ces ravisseurs,
Ces impitoyables voleurs,
Qui ont enleué nostre Prince,
Pour exercer de tous costez
Leurs funestes desloyautez,
Et nous causer la mort pillant nostre Prouince.

✿

Allons donc, sous vostre conduite,
Recouurer nostre ieune Roy,
De vous nous attendons la Loy,
Qui perdra la race maudite
Qui nous cause tant de malheurs;
Cette attente anime nos cœurs,
Et les met dans l'impatience,
De mourir courageusement,
Pour cet heureux recouurement,
Qui finissant nos maux punira l'insolence.

F I N.

Lauson

3. 11. 95

[ZAH]

951305

